

四庫全書

經部


欽定四庫全書

禮書卷一百二十一


宋 陳祥道 撰

禮書圖


土鼓




蕢桴



足鼓



楹鼓



鼓制

鼓人掌教六鼓四金之音聲以節聲樂以和軍旅以正

田役

音聲五聲合和者

教為鼓而辨其聲用以雷鼓鼓神祀雷

八面鼓也神祀天神

以靈鼓鼓社祭

靈鼓六面鼓也社祭祭地示

以路鼓鼓

鬼享

路鼓四面鼓也

以鼗鼓鼓軍事

大鼓謂之鼗鼓長八尺

以鼙鼓鼓役

事

鼗鼓長丈二尺

以晉鼓鼓金奏

晉鼓長六尺六寸金奏謂樂作擊編鍾

以金錡

和鼓

錡錡于也闔如碓頭大上下樂作鳴之與鼓相和

以金鐃節鼓

鐃如小鍾軍

行鳴之以為鼓節司馬職曰軍行鳴鐃

以金鐃止鼓

鐃如鈴無舌有束執而鳴之以止擊鼓司

馬職曰鳴
鐃且卻

以金鐃通鼓

鐃大鈴也振之以通鼓
司馬職曰司馬振鐃

凡祭祀百

物之神鼓兵舞帔舞者

兵謂干戚也帔列五采繒
為之有秉皆舞者所執

凡軍旅

夜鼓鼙

鼙夜戒守鼓也司馬法曰昏鼓四通為大
鼙夜半三通為晨戒旦明五通為發曉

軍動則

鼓其衆田役亦如之救日月則詔王鼓

救日月食王必擊
鼓者聲大異春秋

傳曰非日月
之青不鼓

大喪則詔大僕鼓大司樂雷鼓雷鼗冬日至於

地上之圜丘奏之若樂六變則天神皆降可得而禮矣靈

鼓靈鼗夏至於澤上之方丘奏之若樂八變則地示皆

出可得而禮矣路鼓路鼗於宗廟之中奏之若樂九變則

人鬼可得而禮矣王大食三宥皆令奏鍾鼓樂師凡國之

小事用樂者令奏鍾鼓饗食諸侯序其樂事令奏鍾鼓令

相如祭之儀燕射帥射夫以弓矢舞樂出入令奏鍾鼓大

師下管播樂器令奏鼓

小鼓也先擊小鼓乃擊大鼓小鼓為大鼓先引故曰小鼓

引之引玄謂鼓棘猶言擊揚詩云應棘縣鼓

大饗亦如之小師掌放鼓

出音曰鼓如鼓而

小持其柄搖之旁耳還自擊

下管擊應鼓

應擊也應與棘及朔皆小鼓也其所用未聞

凡小祭祀

小樂事鼓鞀瞽矇掌播鼗鼗眠瞭凡樂事播鼗鼗賓射皆奏

其鍾鼓鍾師凡樂事以鍾鼓奏九夏鑄師凡軍之夜三鑿皆鼓

之守鑿亦如之籥章掌土鼓

杜子春曰土鼓以瓦為匡以革為兩面可

擊也

中春晝擊土鼓歛豳詩以逆暑中秋夜迎寒亦如之

凡國祈年于田祖歛豳雅擊土鼓以樂田畯國祭蜡則歛豳頌擊土鼓以息老物大司馬中春教振旅辨鼓鐸

鐸鏡之用王執路鼓諸侯執賁鼓軍將執晉鼓師帥執

提旅帥執鼙

提謂馬上鼓有曲木提持鼓立馬髦上故謂之提

考工記鞀人為

皋陶

鄭司農云皋陶鼓木也玄謂鞀則陶字從革

長六尺有六寸左右端廣

六寸中尺厚三寸

版中廣頭狹為穹隆也鄭司農云謂鼓木節判者其兩端廣六寸而其中

央廣尺也如此乃得有腹穹者三之一鄭司農云穹讀為志無空邪

三之一也玄謂穹讀如穹蒼之穹穹隆者居鼓面三分

之一則其鼓四尺者版穹一尺三寸三分寸之一也倍

之為二尺六寸三分寸之二也此鼓合二十版上三正司

農云謂兩頭一平中央一平也玄謂三謂當為參正直

也參直者穹上一直兩端又直各居二尺二寸不弧曲

也此鼓兩面以六鼓差之賈侍中云晉鼓長八尺鼓四

尺中圍加三之一謂之鼗中圍加三之一者加於面之

圍十二尺加以三分一四尺則中圍十六尺徑五尺三

寸三分寸之一也今亦合二十版則版穹六寸三分寸

之二耳大鼓謂之鼗以鼗鼓鼓軍事鄭為皋鼓長尋有

司農云鼓四尺謂革所蒙者廣四尺也

四尺鼓四尺倨句磬折

以舉鼓鼓後事磬折中曲之不衆正也中圓與鼗鼓同以磬折

為凡冒鼓必以啟蟄之日

啟蟄孟春之中也蟄蟲始聞雷聲而動鼓所以取象也冒

蒙鼓以革

良鼓瑕如積環

革調急也

鼓大而短則其聲疾而短聞

鼓小而長則其聲舒而遠聞大僕建路鼓于大寢之門

外而掌其政禮記王制天子賜諸侯之樂則以柷將之

賜伯子男則以鼗將之月令仲夏之月命樂師修鞀鞀

鼓禮運夫禮之初蕢桴而土鼓禮器曰廟堂之下縣鼓

在西應鼓在東學記鼓無當於五聲五聲弗得弗和樂

記會守拊鼓鼓鞀之聲謹謹以立動動以進衆君子聽鼓鞀之聲則思將帥之臣然後聖人作為鞀鼓柷敔塤箎此六者德音之音也大射建鼓在阼階西南鼓應鞀在其東南鼓西階之西頌磬東面其南鍾鎛一建鼓在其南東鼓朔鞀在其北一建在西階之東南面蕩在建鼓之間爾雅釋樂曰大鼓謂之鼗小鼓謂之應大鼗謂之麻小鼗謂之料徒擊鼓謂之罍詩曰擊鼓其鐙坎其擊鼓鼉鼓逢逢又曰應田縣鼓鼗鼓淵淵置我鞀鼓風

俗通曰鼓者郭也春分之音萬物皆鼓甲而出故謂之鼓易通卦驗曰冬至鼓用馬革圓徑八尺一寸夏至鼓用牛皮圓徑五尺一寸鄭氏曰馬坎類也荀卿曰鼓象地堯有敢諫鼓禹以五聲聽治曰教寡人以道者擊鼓左氏曰分唐叔以密須之鼓上林賦建靈鼉之鼓

土鼓

蕢桴

禮記曰夫禮之初始諸飲食蕢桴土鼓猶若可以致

其敬於鬼神又曰土鼓蕢桴葦籥伊耆氏之樂

世本曰夷

作鼓

周禮籥章春秋擊土鼓吹豳詩以逆暑迎寒祈年

吹豳雅擊土鼓以樂田畯祭蜡吹豳頌擊土鼓以息

老物蓋樂之作本於籥始於土鼓而周家王業之興

本於豳逆暑迎寒祈年皆本始民事蜡息老物則息

使復本反始而已故所擊者土鼓所吹者豳籥也禮

記曰伊耆氏始為蜡周禮伊耆氏掌共王之杖咸以

老者待杖然後安猶老物待蜡然後息也伊耆氏以

有功於耆老著矣故後世以其官為姓周人以其姓名官先儒為其始制鼓簫又始為蜡於是以為古王者之號然古之制法者隸首造歷大撓作甲子倉頡造書之類豈皆古王者哉果伊耆氏實古王者之號周人固應尊異而神之不宜列於銜枚氏壺涿氏而以下士之官名之也土鼓築土為之也杜子春曰土鼓以瓦為臯陶以革為面然禮運土鼓起於未合土之前與壺涿氏炮土之鼓異矣禮運明堂位皆言黃

桴蕢或作蒯蓋結草以為桴也鄭氏改蕢蒯為缶其

說非也

鄭氏釋籥章舉明堂位曰蒯桴

白虎通曰鼓震音也風俗通

曰鼓春分之音唐樂志曰鼓者冬至之音當從唐樂

志為正

韋昭曰正北曰坎為革

足鼓

鼓其聲象雷其大象天其於樂象君故凡鼓瑟鼓琴鼓鍾鼓簧鼓缶皆謂之鼓以五音非鼓不節也明堂位曰夏后氏之鼓足鄭康成曰足謂四足考之於禮

夏后氏尚黑商尚白周尚赤則三代鼓色可知矣春
秋之時楚伯棼射王鼓跔然則兵車之鼓亦有足歟

楹鼓

商頌曰置我鞀鼓明堂位曰商之楹鼓禮公執桓圭
諸侯之葵有桓楹鄭氏釋周禮曰雙植謂之桓釋禮
記曰四植謂之桓則桓楹四稜圭之所顯者雙稜而
已楹鼓蓋為一楹而四稜焉貫鼓於其端周禮大僕
建路鼓于大寢之門外儀禮大射建鼓在阼階西南

鼓則其所建楹也莊子曰負建鼓以亡求亡子建鼓

可負則以楹貫之可知

魏晉以後復商制而樹之謂之建鼓隋制又棲翔鷖於其

上或曰鷖也取其聲遠聞也或曰鷖鼓精也越王勾踐建大路於康宮之端門有雙鷖啄之而去此其象也或曰詩云振振鷖鷖于飛鼓咽咽醉言歸後世悲周之衰故飾鼓以鷖欲其風流存焉國朝公唐制其高六尺六寸中植以柱設重斗方蓋蒙以朱網張以絳紫繡羅四角六龍竿皆銜流蘇璧璜五采羽為飾于首亦為翔鷖傍又扶二小鼓左曰鞞右曰應然詩言應田縣鼓則周制王之應田在縣鼓之側不在建

鼓傍

矣

禮書卷一百二十一


欽定四庫全書

禮書卷一百二十二


宋 陳祥道 撰

禮書圖


晉鼓




雷鼓




靈鼓




路鼓



鼓鼓



提鼓



晉鼓

考工記鞀人為皋陶長六尺有六寸左右端廣六寸
中尺厚三寸穹者三之一上三正先儒以為晉鼓其
說是也鼓人之六鼓有鼗鼓靈鼓路鼓鼗鼓晉鼓皋
鼓而路鼓以上不特左右端兩面而已鼗鼓不特長
六尺六寸而已則長六尺六寸左右端廣六寸其為
晉鼓可知鼓人以晉鼓鼓金奏鐸師掌金奏之鼓鍾
師以鼓奏九夏此所以謂懸鼓也

詩曰應田懸鼓明
堂位曰周人懸鼓

禮記曰懸鼓在西

然司馬春振旅軍將執晉鼓吳與越戰載

常建鼓韋昭曰將軍執晉鼓晉鼓建謂為楹而植之蓋晉鼓建之於軍猶路鼓建之於寢非此則不建矣

雷鼓

靈鼓

路鼓

鼓人雷鼓鼓神祀靈鼓鼓社祭路鼓鼓鬼享大司樂雷鼓雷鼗靈鼓靈鼗路鼓路鼗鄭康成曰靈鼓八面

靈鼓六面路鼓四面蓋以韡人為晉鼓磬鼓鼗鼓三者非祭祀之鼓而兩面則路鼓宜四面靈鼓宜六面
鄭司農曰靈鼓六面

靈鼓四面路鼓兩面

蓋靈天聲也靈鼓鼓神祀而救日月亦天事也鼓人救日月則詔王鼓先儒以為鼓用靈鼓是也靈地德也靈鼓鼓社祭而攻猛獸亦地事也冥氏攻猛獸以靈鼓毆之是也路鼓鼓鬼享而田獵達窮者與遽令亦用之司馬振旅王執路鼓大僕建路鼓于大寢之門

外以待達窮者與遽令是也晉鼓鼓金奏而田獵亦
用之司馬振旅將軍執晉鼓是也鼓人言詔王鼓大僕言
軍旅田役贊王鼓戎右詔贊王鼓鄭氏曰王通鼓佐擊其
餘面賈公彥曰王擊一面大僕戎右佐擊兩面惟前一面
不擊由此觀之則路鼓四面又可知也蓋詔則不贊
詔贊則不特詔而已大僕戎右皆言贊王鼓則與鼓
人所謂詔者異矣

鼗鼓

鞀人鼓長八尺鼓四尺

四尺鼓面也

中圍加三之一謂之

鼗鼓鼓人鼗鼓鼓軍事司馬中春振旅諸侯執鼗鼓

司馬法曰十人之長執鉦百人之師執鐸千人之師

執鼙萬人之師執大鼓鑄師凡軍之夜三鑿皆鼓之

鄭氏謂鼓之以鼗鼓司馬法曰昏鼓四通為大鑿夜

半三通為晨戒平旦五通為發明此所謂三鑿也掌

固亦曰夜三鑿以戒號蓋鼗鼓之於軍晝以作衆夜

以警之書言鼗鼓在西序詩言鼗鼓維鏞則此鼗鼓

與鼓軍事者異矣是以周人尚之

沈約宋書樂志曰長大二尺曰鑿鼓

凡守備及役事鼓之然鄭氏云鼗鼓長八尺鑿鼓長丈二尺鑿鼓役事不謂之鑿則沈約之言誤矣

提鼓

大司馬春振旅師帥執提鄭氏曰馬上鼓有曲木提持鼓立馬髦上者故謂之提賈公彥曰鄭氏據當時有單騎舉以況周其實周時無騎法也然左傳稱齊魯相遇以鞍為几禮記稱前有車騎史記稱趙靈王胡服騎射蓋古者國容以車軍容或有騎

禮書卷一百二十二

欽定四庫全書


禮書卷一百二十三

宋 陳祥道 撰


磬鼓




非鼓
鼓



鞀
應鼓號應鞀
朔鼓號朔鞀



拊
相



磬鼓

韞人爲皋鼓長尋有四尺鼓四尺倨句磬折則皋鼓中
高而兩端下矣鼓人曰以磬鼓鼓役事春秋傳曰魯人
之皋蓋皋緩也役事以勿亟爲義故以皋鼓節之古者
上之使下以仁常欲緩而不迫故名鼓以磬下之事上
以義常欲敏而有功故以鼓節之而弗止詩曰磬鼓弗
勝

鼗鼓

月令曰脩鞀

音兆

鞀世紀曰帝嚳命倕作鞀先儒謂小

鼓有柄曰鞀大鞀謂鞀爾雅曰大鼗謂之麻小者謂

之料儀禮大射鼗倚於頌磬西紘周官小師掌教鼓

鼗祝敔壎簫管絃歌瞽矇掌播鼗祝敔壎簫管絃歌

眡矇掌凡樂事播鼗擊頌磬笙磬

漢大儺侖子
皆執大鞀

蓋鼗

之播也有瞽矇者有眡矇者而其制鄭氏以為如鼓

而小持其柄搖之旁耳還自擊是也書曰下管鼗鼓

合止祝敔記曰賜諸侯樂以祝將之賜子男以鼗將

之蓋祝以合樂鼗則兆鼓而已故其賜所以不同也
孔穎達曰祝所以節一曲之始其事寬故以將諸侯
之命鼗所以節一唱之終其事狹故以將伯子男之
命豈其然哉儀禮諸侯之燕大射大夫士之鄉射鄉
飲皆有鼗無祝諸侯之樂非無祝也文不備爾

白虎通曰

鞀者震之氣也上應卯星心通五道故謂之鞀其說無據

鞀

應鼓號應鞀朔鼓號朔鞀

周禮大師大祭祀下管播樂罷令奏鼓輶小師大祭

祀下管擊應鼓小祭祀小樂事鼓棟儀禮大射建鼓
在阼階西南鬻鼓應鼙在其東南鼓西階之西頌磬
東面其南鍾其南鐃皆南陳一建鼓在其南東鼓朔
鼙在其北一建鼓在西階之東南面詩曰應田縣鼓
先儒以詩之田為棟棟小鼓應應鼙也爾雅曰大鼓
謂之鼗小者謂之應然則大祭祀皆鼓棟擊應大射
有朔鼙應鼙詩又以應配棟則朔鼙乃棟鼓也以其
引鼓焉故曰棟以其始鼓焉故曰朔是以儀禮有朔

無棟周禮有棟無朔猶儀禮之玄酒周禮之明水其實一也鄭氏以應與棟及朔為三鼓恐不然也大射建鼓南鼓應鼓亦南鼓而居其東建鼓東鼓朔鼙亦東鼓而居其北則鼙與鼓北建而鼙常在其左矣朔作而應應之朔在西應在東則凡樂之奏常先西矣

拊
相

拊之為物以韋為之狀若鼓然書傳所以謂韋為鼓謂之搏拊是也實之以糠白虎通所謂拊革者以糠

是也其設則堂上書所謂搏拊是也其用則先歌周禮所謂登歌合奏擊拊是也荀卿曰鞀拊控楬似萬物又曰縣一鍾而尚拊大戴禮曰縣一磬而尚拊子夏曰絃匏笙簧會守拊鼓始奏以文復亂以武治亂以相訊疾以雅言尚拊則拊在一鍾一磬之東也言會守拊鼓則衆樂待其動而後作也既曰會守拊鼓又曰治亂以相則相非拊也鄭氏以相為拊誤矣拊書謂之搏拊明堂位謂之拊搏蓋以其或搏或拊莫適

先後也爾雅和樂謂之節或說節即相也晉傅休奕
節賦曰口非節不詠手非節不拊江左清樂有節鼓
唐雅樂升歌用之其詳不可考也

禮書卷一百二十三

欽定四庫全書

禮書卷一百二十四

宋 陳祥道 撰

禮書圖
雅




壠




缶



琴



瑟



雅

周禮笙師掌教春牘應雅以教祴樂鄭司農云雅狀如漆筩而弇口大二圍長五尺六寸以羊韋鞞之有

兩紐疏畫此約漢法云然也鄭康成曰雅中有椎

樂記

注祴樂祴夏之樂牘應雅教其春者謂以築地笙師

教之則三器在庭可知矣賓醉而出奏祴夏以此三器築地為之行節樂記曰訊疾以雅孔穎達曰舞者訊疾奏此雅器以應之蓋樂者正也賓出而春雅欲

其醉而不失正也工舞而奏雅欲其迅疾而不失正也賓出之奏雅有祓樂則工舞之奏雅各以其舞之曲歟

壘

何人斯蘇公刺暴公之詩也以伯氏吹壘仲氏吹箎託親愛之意而已世本遂謂暴辛公作壘蘇成公作箎譙周譏之宜矣然周謂暴公善壘蘇公善箎不可考也周禮小師掌教壘瞽矇掌播壘爾雅曰大壘謂

之詔廣雅云壝象秤錘以土為之六孔鄭司農釋周
禮郭璞釋爾雅其說皆然郭璞又謂銳上平底大者
如鵝子小者如雞子蓋壝之大小不同而同於六孔

白虎通曰壝坎音也管艮音也壝在十一月陽氣如
黃泉之下薰蒸而萌唐樂志曰壝曠也立秋之音萬
物將曠黃也舊圖大壝謂之雅壝小者謂之頌壝然
壝土也土位在坤而時立秋則唐志之說是而白虎
通之說
非矣

缶

爾雅曰盎謂之缶易曰不鼓缶而歌則大耋之嗟凶

詩曰坎其擊缶宛丘之下國語曰瓦絲尚宮澠池之
會秦王謂趙王擊缶李斯曰擊甕扣缶真秦聲也蓋
缶古之樂器秦尚之劉安曰窮鄉之社扣瓮拊瓶相
和而歌自以為樂亦擊缶之類也呂不韋曰堯使鄭
以麋鞞冥缶而鼓之此不可考也

琴

琴操曰伏犧作琴世本曰神農作琴樂記曰舜作五
絃之琴以歌南風

或曰帝俊生晏龍龍作琴瑟郭璞曰俊即舜也

明堂位曰

大琴大瑟中琴中瑟四代之樂器也爾雅曰大瑟謂之灑大琴謂之離白虎通曰琴者禁也禁邪以正人心也樂書曰琴長八尺一寸正度也絃大者為君而居中央商居右旁其餘大小相次不失其序則君臣之位正矣廣雅曰琴長三尺六寸六分象三百六十有六日五絃象五行大絃為君寬和而溫小絃為臣清廉不亂騶忌子謂齊威王曰大絃濁以春溫者君也小絃廉折以清者臣也文王武王加二絃以合

君臣之恩琴操曰廣六寸象六合也又上曰池言其
平下曰濱言其服前廣後狹象尊卑上圓下方象天
地然琴之大小雖不同不過五絃七絃而已先儒釋
爾雅謂大琴二十七絃或作於伏犧或作於神農不
可考也其長或八尺一寸或三尺六寸六分蓋大琴
中琴之辨歟春秋傳穆姜擇美櫝自為頌琴杜預謂
頌琴猶言雅琴

瑟

世本曰庖犧作瑟五十絃黃帝使素女鼓之哀不自

勝乃破為二十五絃具二均聲

或曰朱襄氏之臣士達造五絃琴

爾

雅曰大瑟謂之灑鄉飲酒禮二人皆左何瑟後首揜

越燕禮曰小臣左何瑟面鼓執越樂記曰清廟之瑟

朱絃而疏越尚書大傳曰大琴練絃達越大瑟朱絃

達越蓋越底孔也疏達通之也朱絃練而朱之也蓋

絲不練則勁而聲清練則熟而聲濁孔小則聲急大

則聲遲故越疏以遲其聲然後不至於太急練絲以

濁其聲然後不失之太清舊圖雅瑟長八尺一寸廣一尺八寸二十三絃其常用者十九絃其餘四絃謂之番番贏也頌瑟長七尺二寸廣尺八二十五絃盡用之此蓋有所傳然也周禮小師掌教絃歌瞽矇掌教琴瑟大司樂雲和之琴瑟冬至圜丘奏之空桑之琴瑟夏至方丘奏之龍門之琴瑟宗廟奏之則鼓瑟未嘗無琴也樂記獨言清廟之瑟鄉飲酒燕禮亦獨言瑟者舉其大者故也後世高漸離之擊筑

似箏

項細蒙恬之造箏漢之琵琶箜篌

風俗通曰漢武帝樂人侯調作坎侯釋名

曰師延所作

晉之阮咸此皆放琴瑟而為之歟

易通卦驗冬至日使

八能之士鼓黃鍾之瑟瑟用槐長八尺一寸夏至日瑟用桑長五尺五寸槐取其氣上桑取其垂下

禮書卷一百二十四


欽定四庫全書

禮書卷一百二十五

宋 陳祥道 撰

禮書圖


祝



敵



止



甄


續




應



筭



笙



簫

大者二十四管
小者十六管



祝

敵

止

簫

樂記曰聖人作為柷敔書曰戛擊鳴球合止祝敵詩
曰鼗鼓祝圉荀卿曰鞀祝拊柷敔似萬物明堂位曰
拊擊周禮小師掌教播鼗祝敵蓋祝敵以柷敔為體
柷敔以戛拊擊為用故柷敔戛拊擊先儒皆謂之祝

敵也爾雅曰所以鼓柷謂之止所以鼓敵謂之蕤先
儒謂柷如漆桶方二尺四寸深二尺八寸中有椎柄
連底撞之令左右擊止者其椎名也敵如伏虎背上
有二十七鉏鋸刻以木長尺櫟之蕤者其夏名也此
以漢大予樂言之

本朝依唐制以竹為蕤長二尺四寸破一端為十二筩樂將止先擊

其首次
三夏之

蓋鼓柷謂之止欲戒止於其早也鼓敵謂之

蕤欲修潔於其後也柷方二尺四寸陰也敵二十七
鉏鋸陽也樂作陽也以陰數成之樂止陰也以陽數

成之固天地自然之理也聲之所出以虛為本桐虛而不實故為琴瑟糠虛而不實故為搏拊虛以虛然後可設控以空然後可擊及其止則歸於實焉故敵為伏虎之形則實而已

牘

應

笙師掌教春牘應雅以教械樂鄭司農曰牘以竹大五六寸長七尺短者一二尺虛中箏無底其端有兩

空肆畫以兩手築地應長六尺五寸其中有椎

竽

笙

禮記曰女媧之笙簧世本曰隨作笙儀禮曰二笙一和而成聲周禮笙師掌教吹竽笙爾雅曰大笙謂之巢小者謂之和先儒謂笙列管匏中施簧管端大者十九簧小者十三簧竽三十六簧笙長四尺竽長四尺二寸黃金鑠為之蓋衆管在匏有巢之象故大笙

曰巢大者倡小者和小笙曰和後世雅樂和皆二十
七簧外設二管不定置謂之義管每變均易調則更
用焉由是定置二管於匏中為十九簧書曰笙鏞以
間笙師祭祀饗食共笙鍾之樂鄭氏曰與鍾相應之笙
國語曰金石以動之絲竹以行之則笙鏞雖間作其
動之於始則金石而已韓非曰竽者五聲之長故竽
先則鍾瑟皆隨竽唱則諸樂皆和蓋後世之樂然也

簫

大者一十四管
小者十六管

小師掌教簫管絃歌笙師掌教吹竽笙塤箎簫篪書
曰笙鏞以間簫韶九成詩簫管備舉禮從以簫管書
於簫言樂成詩於簫言備舉禮凡言簫多在笙竽之
後則簫之奏蓋後於笙矣爾雅曰大簫謂之言小者
謂之筴廣雅曰籟謂之簫莊周三人籟比竹是已荀
卿曰鳳凰于飛其翼若干其聲若簫蓋簫比竹為之
其狀鳳翼其聲鳳聲言與籟皆其異名也郭璞曰言
二十三管長四尺筴十六管長尺二寸

風俗通曰簫
十管長二尺

易說長尺四寸鄭氏曰簫象鳥翼鳥火禽也火生數
二成數七夏時火用事二十七一十四簫之長由此也
舊國雅簫長一尺四寸二十四管無底小者十六管有底
弭博雅云簫大者二十四管無底小者十六管有底
蔡邕曰簫編竹有底長則濁短則清以密窒其底而
增損之則和蓋皆述其傳然也漢元帝云吹洞簫謂
之洞簫蓋
無底耳

禮書卷一百二十五


欽定四庫全書

禮書卷一百二十六


宋 陳祥道 撰

禮書圖

簠




遂




箭

金匱要略

卷一百二十六



管



箎

周禮笙師掌教龠箎爾雅大箎謂之沂孫炎曰沂悲也釋名曰箎啼也若嬰兒啼也郭璞曰箎以竹為之長尺四寸圍三寸一孔上出寸三分名翹橫吹之小者尺二寸廣雅曰八孔鄭司農曰七孔不可考也

有胡箎沈約曰胡箎出於胡吹非雅器也

箏

周禮笙師掌教箏杜子春曰竹箏五孔馬融笛賦稱

此器出於羌笛舊四孔京房加一孔以備五音又風

俗通曰漢武帝時邱仲作笛長尺四寸然漢以前固

有笛矣但尺四寸者邱仲所作耳後世有長笛

世傳蔡邕

避難江南宿於柯庭之館仰盼竹椽曰是良竹也取以為笛奇聲獨絕一說邕經會稽高遷亭見屋椽竹

東間第十六奇為笛取用果有聲

有短笛

今樂府短笛尺有咫

有橫笛

小簾也梁橫吹

曲曰下馬吹橫笛

有義甯笛

如橫笛而加甯西涼樂也

有七孔者

今大樂雅笛七

孔有八空者

今有橫笛八空

皆適一時之造然也笛一作遂

簾一作觥

籥

明堂位曰上鼓箠籥伊耆氏之樂也周禮笙師掌教
籥籥師掌教國子舞羽吹籥籥章掌教土鼓吹豳籥
蓋籥三孔主中聲而上下之律呂於是乎生命之曰
籥以黍籥之法在是故也羽舞皆執籥以聲音之本

在是故也

詩曰左手執籥春秋書仲遂卒于垂壬午猶繹方入去籥公羊曰去其有聲者置其

無聲者則吹籥而舞可知

爾雅曰大籥謂之產其中謂之仲其小

謂之箛廣雅曰籥七孔毛萇曰籥六孔鄭康成曰籥

如笛三孔郭璞曰簫三孔而短當從郭鄭之說為之
正也

管

書曰下管鼗鼓周禮小師掌教簫管磬矇掌播簫管
笙師掌吹竽笙壎簫簫管大司樂園丘孤竹管方丘
孫竹管宗廟陰竹管燕禮大射皆下管新宮禮記曰
下管象詩曰磬管將將簫管備舉爾雅曰太管謂之
簫其中謂之篴小者謂之筊鄭司農曰管如篴六孔

說文亦曰管六孔十二月之音鄭康成曰管如笛而小併兩而吹之今大予樂官有焉廣雅云管象簫長尺圍寸八孔無底夫併兩而吹之固象簫矣管或作琯則古者之管有以玉為之也

傳稱西王母獻玉琯

簫

詩曰吹笙鼓簧又曰並坐鼓簧又曰左執簧又曰巧言如簧記曰女媧之笙簧觀此宜若簧非笙也先儒皆以為笙中之簧其說拘矣漢武內傳鼓振靈之簧

神仙傳王遙有五舌竹簧然經無明說豈亦古之遺

制歟

欽定四庫全書

禮書
卷一百二十六


禮書卷一百二十六

欽定四庫全書

禮書卷一百二十七

宋 陳祥道 撰

堂上樂圖



搏拊机

搏拊敌

編歌
歌鍾

編歌
歌磬

琴琴琴琴琴琴琴

琴琴琴琴琴琴琴

笙笙笙笙笙笙笙

笙笙笙笙笙笙笙

簫

七星匏

塤

塤

九耀匏

簫

樂縣

樂縣見於經者尤畧今姑推儀禮大射燕禮鄉射鐘磬之位存其大縣於此

笙磬
太簇鍾

夾鍾鍾
夾鍾
姑洗鍾
應鍾
建鼓

王宮縣

建鼓
大呂鍾
黃鍾
應鍾
建鼓

中呂鍾
蕤賓鍾
林宮鍾

頌磬
無射鍾

南呂鍾
鍾
夷則鍾
建鼓
朔聲

諸侯軒縣

軒縣左氏所謂曲縣是也何休曰周諸侯軒城則軒城猶軒縣

笙磬
笙鍾

鑄

應鼗
建鼓

頌磬
頌鍾

鑄

胡鼗
建鼓

諸侯
大射
之縣

見大射門

鄉射

見鄉射門

之縣

樂 飲 鄉

室

牖 戶

堂 庠

阼階

簾

磬

阼階

磬階間
縮霤北
面鼓之

笙入堂下
南北面立

堂上樂圖

書曰戛擊鳴球搏拊琴瑟以詠下管鼗鼓合止柷敔
笙鏞以間而繼之以擊石拊石夫戛擊柷敔也鳴球
玉磬也拊搏鼓類也是舜之時堂上有戛擊堂下有
柷敔堂上有鳴球堂下有石磬堂上有拊搏堂下有
鼗鼓也詩言設業設簋崇牙樹羽應田縣鼓執磬祝圉
簫管備舉皆在周之庭儀禮樂虞皆在兩階之間此堂
下之樂也商頌曰執鼓淵淵嘒嘒管聲既和且平依我

磬聲以言堂下之管鼓依我堂上之磬聲也

詩注玉磬也

觀周書有天球春秋之時齊國佐以玉磬賂晉魯饑
文仲以玉磬告糴于齊荀卿曰懸一鍾而尚拊大戴
禮曰懸一磬而拊搏則自虞至周堂上皆有玉磬矣
有磬必有鍾此荀卿所以有一鍾之說也燕禮鄉射
大射皆席工于西階上北面東上則堂上之樂蓋皆
西陳而北面也儀禮工入則瑟先歌後獻工亦瑟先
歌後而樂正常立于西階東周禮登歌先擊拊是樂

正居東歌在瑟西而瑟又在拊西其他不可考也周禮鼓人以晉鼓鼓金奏鐸師掌金奏之鼓鍾師以鍾鼓奏九夏記曰入門而懸興春秋傳曰入門而金作國語曰金不過以動聲又曰金石以動之先儒謂凡樂先擊鍾次擊鼓是也小胥下管播樂器令奏鼓鞀瞽矇眡瞭凡樂事先播鼓鞀則引大鼓者也鼓兆鼓者也觀眡瞭播鼓擊頌磬笙磬詩言鼓磬祝圉儀禮大射鼗倚于頌磬西絃言鼗必及磬設鼗必倚磬之

絃是鍾磬作則鼗作矣及下管播樂器而樂具作焉
乃鼓棘以先之是鼗常在前而棘常在後也先王賜
諸侯樂則以柷將之賜子男則以鼗將之以鼗不以
棘則鼗先於棘可知矣鍾磬之應歌者曰頌鍾頌磬
其應笙者曰笙鍾笙磬春秋傳有歌鍾與頌鍾頌磬
之義同周禮有鍾笙笙師祭祀饗射共其鍾笙之樂與笙鍾笙磬之
意同先儒謂磬在東曰笙笙生也在西曰頌頌或作
庸庸功也豈其然歟然頌磬在西笙磬在東朔聲在

西應聲在東是堂下之樂貴西也堂下之樂貴西堂上之樂上東者貴西所以禮賓上東於西階之上亦以其近賓故也觀鄉飲酒鄉射之用樂皆樂正告備于賓特燕禮告備于公以明君臣之分而已則樂為賓設可知矣

樂縣

樂縣見於經者尤略今姑推儀禮大射燕禮鄉射鍾磬之位存其大縣於此

王宮縣

諸侯軒縣

諸侯大射之縣

鄉飲樂

周禮小胥王宮縣諸侯軒縣卿大夫判縣士特縣凡縣鍾磬半為堵全為肆蓋縣鍾十二為一堵二堵為一肆堵言合是以為宮肆言全而後可以陳列也宮縣象宮室軒縣闕其南判縣左右之合特縣於東方或階間而已諸侯之卿大夫半天子之卿大夫諸侯之士半天子之士則天子之卿大夫判縣東西各一

肆

東西各有鍾磬

諸侯之卿大夫判縣東西各一堵

東磬西鍾

天

子之士特縣南一肆諸侯之士特縣南一堵

有磬無鍾

考

之儀禮大射樂人宿縣于阼階東笙磬西面其南笙

鍾其南罇皆南陳建鼓在阼階西南鼓應鼙在其東

南鼓西階之西頌磬東面其南鍾

先儒謂不言頌鍾蒙上文

其南

罇皆南陳一建鼓在其南東鼓朔鼙在其北一建鼓

在西階之東南面箏在建鼓之間鼗倚于頌磬西紃

此於羣臣備三面而已非軒縣也先儒以為宮縣四

面皆鍾磬。鑄軒縣三面，亦鍾磬。鑄判縣有鍾磬而無
鑄特縣有磬而無鍾。大射避射位北方，鼓而已。此說
是也。然則諸侯非大射則阼階之建鼓蓋在東而南，
陳應輦在其北，與朔輦相應。然則大射阼階北方之
鼓非其常位也。禮器曰：廟堂之下懸鼓，在西應鼓在
東是也。北齊之制，宮懸各設十二鍾於其辰位四面，
設編鍾編磬各一虞合二十架，設建鼓於四隅郊廟
會同用之。此或髣髴古制歟。鄉射笙入立于縣中西。

面則東縣磬而已鄉飲磬階縮雷笙入磬南則縮縣
磬而已此士特縣之制也鄉射避射位故縣在東鄉
飲非避射位故縣在南鄉射有卿大夫詢衆庶之事
鄉飲酒乃卿大夫之禮皆特縣者以詢衆庶賓賢能
非為已也故皆從士制燕禮諸侯之禮而工止四人
以從大夫之制其意亦若此歟鄭康成曰鍾磬二八
在一虞為一堵杜預曰縣鍾十六為一肆服虔曰一
縣十九鍾

十二鍾當十二
辰更加七律

後周以鍾磬七正七倍而

縣十四梁武帝以濁倍三七而縣二十一後魏公孫
崇以鍾磬正倍參縣之正聲十二倍聲十二而縣二
十四隋牛洪據周官鄭康成之說及樂緯宮為君商
為臣君臣皆尊各置一枚故後周十四而縣十六唐
制分大小二調以二十四枚為大調各有正倍轉通
諸均天地宗廟蜡祭大架用之十六枚為小調正通
黃鍾林鍾二均釋奠小廟等小架用之至於登歌燕
樂亦縣十四或七枚為一格國朝因前代之制止用

十六枚以十二枚為正鍾四枚為清鍾然考之於經
先王之樂以十有二律為之度數以十有二聲為之
齊量國語伶州鳩曰古者神瞽考中聲而量之以制
度律均鍾紀之以三平之以六成於十二天之道也
唐段安節樂府雜錄曰雅部十二鍾每架各編鍾十
二各依律呂然則州鳩安節之所述皆與禮合是古
者凡縣鍾磬不過十二而旋宮備矣後世增之以至
十四十六十九二十二十四唐兼用之以二十四

為大調而其下止於七枚而已蓋皆惑於清倍之法

然也

或曰左氏云中聲以降五降之後不容彈矣則降用半律為清聲矣國語武王以夷則之上宮

畢陳以廣鐸之下宮布戎則上宮聲高為清聲矣以至晉師曠師延之時亦有清角清徵晉人笛法正聲應黃鍾下徵應林鍾則清聲所由來遠矣特其用多寡不同故有十三管之和十九管之巢三十六簧之竽二十五絃之瑟則清聲寓於其中可知矣後世儒者以漢成帝健為郡水濱得古磬十六枚正始中徐州薛城送玉磬十六枚於是多宗鄭氏二八之說用四清聲以謂夷則南呂無射應鍾四宮管短則減黃鍾大呂太簇姑洗四管之半以為清聲而應之則樂音諧矣

禮書卷一百二十七

欽定四庫全書


禮書卷一百二十八

宋 陳祥道 撰

禮書圖

武舞六成之位

舞有表有綴北鄭氏曰綴謂節舞者之位也北其外營域也



行以肆夏趨以采薺之儀

書傳曰天子左五鍾右五鍾出撞黃鍾右五鍾皆應

然後太師奏登車告出也入撞蕤賓左右鍾皆應然

後少師奏登堂就席告入也

先儒謂比十二辰零鍾即鐸也然鐸小鍾非大

鍾也

爾雅曰堂上謂之行堂下謂之步門外謂之趨周

禮樂師行以肆夏趨以采薺自其出言之也則黃鍾

之鍾所以奏肆夏也禮記趨以采薺行以肆夏自其

入言之也則蕤賓之鍾所以奏采薺也出撞陽鍾而

陰鍾應之則動而節之以止也入撞陰鍾而陽鍾應之則止而濟之以動也動而節之以止則無過舉止而濟之以動則無廢功後世儒者或謂出當言左應入當言右應黃鍾陽升出則升部皆應蕤賓陰降入則降部皆應其說誤矣周禮鍾師以鍾鼓奏九夏王夏肆夏昭夏納夏章夏齊夏族夏祴夏騶夏大司樂大祭祀宿縣遂以聲展之王出入令奏王夏尸出入令奏肆夏牲出入令奏昭夏大饗不入牲其他皆如

祭祀大射王出入令秦王夏蓋王於祭祀大饗大射

則出入奏王夏非此則行以肆夏而已肆夏非特施

於王行也享牧伯亦行焉春秋傳稱三夏天子所以

享元侯是也

左傳曰金奏肆夏之三國語曰樂奏肆夏繁遏渠呂叔玉以肆夏為時邁繁遏

為執競渠為思文杜預韋昭謂肆夏一名樊昭夏一名遏納夏一名渠鄭康成曰夏皆頌之族類樂崩則

夏章亦從而亡之非特享牧伯也而送助祭者亦用焉禮記

稱大饗其王事歟其出也肆夏送之是也諸侯之禮

有肆夏無王夏大夫之禮有陔夏無肆夏故燕禮奏

肆夏則諸侯有肆夏無王夏可知鄉飲酒奏陔夏以送賓而禮譏大夫之奏肆夏自趙文子始則大夫有陔夏無肆夏可知然周禮與禮記皆言行以肆夏趨以采薺大戴禮記則言步中采薺趨中肆夏誤也夫王食則以樂侑之言則以樂歌之行則以肆夏采薺以節之登車則有鸞和以和之然則王之所以言語飲食行趨登車之際無非樂音樂以樂之禮以節之則純和之志不內散而非僻之心無自入焉所謂禮

樂不可斯須去身者此也

前漢志曰漢高祖時叔孫通制宗廟樂皇帝入廟門

奏永至以為行步之節猶古采薺肆夏也六年作昭容禮容樂昭容猶古之昭夏也主出武德舞禮容者主出文始五行舞入無樂者將至至尊之前不敢以樂也出用樂者言舞不失節能以禮樂終也然周禮王與賓尸出入皆有樂漢之昭容禮容特主出樂而已何承天曰今舞出樂謂之階步步階賓皆作

舞

封人歌舞牲及毛炮之豚鼓人凡祭祀百物之神鼓兵

舞帔舞者

帔列五采繒為之有秉帔舞者所執

舞師掌教兵舞帥而舞山

川之祭祀教帔舞帥而舞社稷之祭祀教羽舞帥而舞

四方之祭祀教皇舞帥而舞旱暵之事

羽析白羽為之形如帔鄭司農

曰玄謂皇析五采羽為之亦如帔

韎師舞者十有六人大司樂以樂舞

教國子舞雲門大卷大咸大磬大夏大濩大武

此周所存六代

之樂黃帝曰雲門大卷黃帝能成名方物以明民共財言其德如雲之出民得以有族類大咸咸池堯禪均刑法以儀民言其德無所不施大磬舜樂也言其德能紹堯之道也大夏禹樂也禹治水敷土言其德能大中國也大濩湯樂也湯以寬治民而除暴言其德能使天下得其所也大武武王樂也

以六律六同五

聲八音六舞大合樂以致鬼神雲和之琴瑟雲門之舞

冬日至於地上圜丘奏之空桑之琴瑟咸池之舞夏日

至於澤中方丘奏之龍門之琴瑟九德之歌九磬之舞

于宗廟中奏之樂師掌國學之政以教國子小舞

內則曰十

三舞勺成童舞象二十舞大夏

凡舞有帔舞有羽舞有皇舞有旄舞有

干舞有人舞

鄭司農云帔舞者全羽羽舞者析羽皇舞者以羽冒覆頭上衣飾翡翠之羽旄舞者

龍牛之尾干舞者兵舞人舞者手舞社稷以帔宗廟以羽四方以皇辟雍以旄兵事以干星辰以人舞

大

胥掌學士之版春入學舍采合舞秋頒學合聲以六樂

之會正舞位以序出入舞者籥師掌教國子舞羽敝籥

祭祀則鼓羽籥之舞賓客饗食亦如之司干掌舞罷祭

祀舞者既陳則授舞器既舞則受之賓饗亦如之大祝
來瞽令皋舞女巫掌歲時祓除釁浴旱暵則舞雩諸子
掌國子之倅大祭祀正六牲之體凡樂正舞位授舞器
司兵祭祀授舞者兵司戈盾祭祀授旅賁戈故士戈盾
授舞者兵亦如之禮記郊特牲諸侯之宮縣而祭以白
牲擊玉磬朱干設錫冕而舞大武乘大路諸侯之僭禮
也明堂位升歌清廟下管象朱干玉戚冕而舞大武樂
記凡音之起由人心生也人心之動物使之然也感於

物而動故形於聲聲相應故生變變成方謂之音比音而樂之及干戚羽旄謂之樂干戚之舞非備樂也其治民勞者其舞行綴遠其治民逸者其舞行綴短故觀其舞知其德然後發以聲音而文以琴瑟動以干戚飾以羽旄從以簫管奮至德之光動四氣之和以著萬物之理詩言其志也歌詠其聲也舞動其容也樂者非謂黃鍾大呂弦歌干楊也樂之末節也故童者舞之先鼓以警戒三步以見方再始以著往復亂以飭歸奮疾而不

拔極幽而不隱然後鍾磬竽瑟以和之千戚旄狄以舞
之此所以祭先王之廟也且夫武始而北出再成而滅
商三成而南四成而南國是彊五成而分周公左召公
右六成復綴以崇天子祭統君致齋於外夫人致齋於內然
後會於大廟君純冕立於阼夫人副褱立於東房君執
圭瓚裸尸大宗執璋瓚亞裸及舞君執干戚就舞位君
為東上冕而總干率其羣臣以樂皇尸是故天子之祭
也與天下樂之諸侯之祭也與竟內樂之冕而總干率

其羣臣以樂皇尸此與竟內樂之義也

武舞六成之位

舞有未有綴兆鄭氏曰綴謂鄭舞者之位也兆其外營域也

周官大胥以六樂之會正舞位樂記曰武始而北出再成而滅商三成而南四成而南國是彊五成而周公左召公右六成復綴以崇天子又曰先鼓以警戒三步而見方再始以著往復亂以飭歸先儒謂立四表於郊丘廟廷舞人自南表向二表為一成自二表至三表為二成自三表至北表為三成乃轉而南向

自一表至二為四成自二表至三為五成自三表至
南表為六成則天神皆降若八變則又自南而北為
七成自二表至三為八成則地祇皆出若九變又自
三表至北表為九成人鬼可得而禮焉蓋周都商之
西南商都周之東北故舞始而北出則至二表矣此
三步以見方者也再成而減商則至三表矣此再始
以著往者也三成而南則至四表矣

家語曰三
成而南反四成

而南國是彊則又自北而南至二表矣五成而分周

公左召公右則至三表矣此復亂以飭歸者也六成

復綴以崇天子

家語曰以崇其天子

則復初表矣此樂終而德

尊也蓋武始而北出則出表之東北以商居東北故

也三成而南則入表之西南以周居西南故也彊南

國然後可得而分治分治然後可得而復綴分治繫

於臣故散而為二復綴統於君故合而為一樂記言

復綴以崇天子繼以夾振之而駟伐者又本其始也

何則武舞四表所以象司馬之四表也夾振之而駟

伐所以象司馬振鐸師徒皆作也夾振之而駟伐詩
所謂駟驪彭彭是也復亂以飭歸國語所謂布憲施
令謂之羸亂以優柔容民是也司馬之四表三表百
步一表五十步始則行而不驟趨中則趨而不馳走
及四表則馳走之時也故五十步而已舞之四表蓋
不必然

禮書卷一百二十八

欽定四庫全書

經部

禮書卷一百

二十九至
四十

詳校官尚書臣德保

給事中臣溫常綬覆勘

總校官檢討臣何思鈞

校對官中書臣陸湘

謄錄監生臣蔣肇源

繪圖監生臣徐溥


欽定四庫全書

禮書卷一百三十九

宋

陳祥道撰


禮書圖
文舞武舞之位




帔舞



羽舞



皇舞



旄舞



文舞武舞之位

舞之始也發於所樂之極其用也常在諸樂之後是以周官樂師樂成告備然後詔來瞽臯舞春秋之時季札厯觀樂歌然後及於象武韶夏之舞在詩序則舞蹈後於嗟歎永歌在樂記則動容後於志詠聲在孟子則舞蹈後於樂之實以舞者所樂之極故也夫舞有文有武有大有小司樂以樂舞教國子舞雲門大卷大咸大磬大夏大濩大武皆舞之大者也樂師

教國子小舞有帔舞羽舞皇舞旄舞

旄舞龍牛尾也傳曰葛天氏之

樂三人操牛尾而歌八闋其流風興

千舞人舞此舞之小者也大舞

有其章而無其儀小舞有其儀而無其章大夏而上
文舞也其執以羽大濩而下武舞也其執以干則大
舞必用小舞之儀小舞不用大舞之章也大胥以六
樂之會正舞位小胥巡舞列蓋位者鄼也正之所以
辨其序列者佾也巡之所以肅其慢春秋之時鄭伯
享王徧及六舞王子頽享五大夫樂及徧舞則合舞

之禮東西蓋有辨先後蓋有序矣考之於經舞干羽
于兩階則文舞于東階武舞于西階武舞常在先文
舞常在後何則書言舞干羽則先干而後羽樂記言
及干戚羽旄謂之樂則先干戚而後羽旄郊特牲明
堂位祭統皆言朱干玉戚冕而舞大武皮弁素積裼
而舞大夏則先大武而後大夏詩簡兮言碩人俣俣
公庭萬舞乃言左手執籥右手秉翟則先萬舞而後
籥翟漢之樂亦先武德之舞而後文始之舞唐之樂

亦先七德之舞而後九功之舞然則古人之舞皆先
武後文蓋曰武以威衆而平難文以附衆而守成平
難常在先守成常在後唐太宗謂封德彝曰朕雖以
武功興終以文德綏海內謂文容不如蹈厲斯過矣
觀此則古人舞序先後之意可見矣何休釋公羊萬
舞之說以為象武王以萬人伐紂孔安國釋書以舞
干羽為文舞失之矣商頌曰萬舞有奕則萬舞豈始
武王哉

公羊曰萬舞干舞也楚令尹子元振萬文夫
人曰先君以是舞也習戎備則萬為武舞可

知矣然非
始于武王

賈公彥曰武舞有四表大濩而上應亦四
表於理或然春秋傳曰舞師題以旌夏蓋若今太樂
以纛與旌引二舞者歟

文舞武舞之飾

禮曰朱干玉戚冕而舞大武皮弁素積裼而舞大夏
蓋周之興也功莫大於武功樂莫重於武舞故舞大
武以祭服之冕舞大夏則朝服之皮弁而已干所以
自蔽戚所以待敵朱干白金以飾其背記曰朱干設

錫是也玉戚剝玉以飾其柄楚工尹路曰剝圭以為
鉞秘是也舞武而執干戚則舞夏執籥翟矣舞夏而
謁則武舞襲蓋朱所以象事玉所以象德武以自蔽
者為主而待敵者非德也故其宣布著見以為事者
欲自蔽而已至於持以待敵者溫純之德爾此武舞
之道也籥所以為聲翟所以為文聲由陽來故執籥
於左文由陰作故秉翟於右此文舞之道也天子之
樂如此而魯有之康周公故也世衰禮廢魯不特用

於周公之廟而羣廟亦用焉故子家駒譏之

昭公謂子家駒

曰吾何惜哉

不特用於魯之羣廟而諸侯之廟亦用焉故

郊特牲譏之

郊特牲曰朱干設錫而舞大武諸侯之僭禮也

以至八佾作於

季氏之庭萬舞振於文夫人之側則先王之樂掃地

可知矣祭統曰朱干玉戚以舞大武八佾以舞大夏

公羊曰朱干玉戚以舞大夏八佾以舞大武蓋公羊

所傳者誤也然朱干玉戚之舞國君躬與焉祭統曰

君執干戚就舞位冕而總干率其羣臣以樂皇尸

帔舞

羽舞

皇舞

旄舞

鼓人曰凡祭祀百物之神鼓兵舞帔舞者舞師掌教
兵舞帥而舞山川之祭祀教帔舞帥而舞社稷之祭
祀教羽舞帥而舞四方之祭祀教皇舞帥而舞旱暵
之祭祀樂師教小舞又有旄舞人舞蓋帔舞裂五采

繒為之

先儒曰析五采繒如漢靈星舞子所持者也

羽舞析衆羽為之皇

舞以皇羽為之旄舞以鰲牛尾為之采繒之飾盛於
衆羽衆羽之飾盛於皇羽皇羽盛於旄干則執之而
無飾人則手舞之而無執樂師先之以帔舞羽舞次
之以皇舞旄舞而後之以干舞人舞以飾之隆殺為
序故也人君有山川為之阻固然然後可以保社稷保
社稷然後可以有事於四方有事於四方然後可以
待變事舞師先干舞以祀山川帔舞以祀社稷羽舞

以祀四方皇舞以舞旱暵之事以事之先後為序故也鄭司農曰社稷以帟宗廟以羽四方以皇辟靡以旄兵事以干星辰以人舞鄭康成曰四方以羽宗廟以人山川以干旱暵以皇然古者之於大祭祀有備樂必有備舞春秋書有事于大廟萬入去籥則宗廟用干與羽矣若夫散而用之則有所不備故山川以干社稷以帟四方以羽旱暵以皇然則司農康成之論不知何據然也旄人掌教夷樂凡祭祀賓客舞其

燕樂明堂位以禘禮祀周公而納夷蠻之樂于太廟
則宗廟亦以旄也然司兵祭祀授舞者兵司戈盾祭
祀授旅賁父故士戈盾授舞者兵亦如之大司樂大
射詔諸侯以弓矢舞樂師帥射夫以弓矢舞則兵舞
不特以干而已然則鄉大夫鄉射之禮五物詢衆庶
而終之以興舞蓋以弓矢舞歟然舞者所樂之極而
樂之盛者도以其為樂之極故樂成而後詔舞以其
為樂之盛故小祭祀不與焉舞師凡小祭祀不興舞

文王世子曰既饔罷用幣然後釋菜不舞

禮書卷一百二十九

欽定四庫全書

禮書卷一百三十

宋 陳祥道 撰

禮書圖

四夷舞

周禮棘師下士二人舞者十有六人旄人下士四人舞者無數鄭氏曰棘讀如棘谿之棘


旄舞者所持以指麾




朱干



玉戚



翟



四夷舞

周禮韞師下士二人舞者十有六人旄人下士四人舞者無數鄭氏曰韞讀如韞韞

之韞旄舞者所持以指揮

周禮韞師掌教韞樂祭祀則帥其屬而舞之

舞之以東夷之舞

大饗亦如之旄人掌教舞散樂舞夷樂

散樂野人為樂之善者若今黃

門倡矣自有舞夷之樂亦皆有聲歌及舞

凡四方之以舞仕者屬焉凡祭

祀賓客舞其燕樂鞀韞氏掌四夷之樂與其聲歌

四夷之樂

東方曰韞南方曰任西方曰柷離北方曰禁詩云以雅以南是也王者必作四夷之樂一天下也言與其聲歌則云樂者祭祀則歛而歌之燕亦如之

吹之以管籥為之聲正義

曰四夷樂名出於孝經緯鉤命決故彼云東夷之樂曰
韎持矛助時生南夷之樂曰任持弓助時養西夷之樂
曰株離持鉞助時殺北夷之樂曰禁持楯助時藏皆於
四門之外右辟是也按明堂位亦有東夷之樂曰韎南
夷之樂曰任又按虞傳云陽伯之樂舞株離則東夷之
樂亦名株離者東夷樂有二名亦名株離鄭注云株離
舞曲名言象萬物生株離若詩云彼黍離離是物生亦
曰離云王者必作四夷之樂一天下者也按白虎通曰

王者制夷狄樂不制夷狄禮禮者所以均中國不制禮恐夷人不能隨中國禮也禮記曰昧東夷之樂也任南

蠻之樂也納夷蠻之樂於太廟言廣魯於天下也

周禮
舛師

掌教舛樂詩曰以雅以南以籥不僭

詩曰以雅以南以籥不僭

為雅
為南

也舞四夷之樂大德廣所及也東夷之樂曰昧南夷之樂曰南西夷之樂曰株離北夷之樂曰禁以為籥舞若是為和而不僭矣孔穎達詩正義云然則言昧者物生根也南

者物懷任也秋物成而離其根株冬物藏而禁閉於下故以為名焉言南而得總四夷者以周之德先致南方

故秋官立象胥之職以通譯四夷是言南可以兼四夷也然則舞不立南師而立昧師者以象胥曲以示法昧四夷之始故從其常而先立之也史記魯定公會齊景公於夾谷孔子攝相事齊有司趨進曰請奏四夷樂於是旌旄羽仗矛戟劍撥鼓譟而至孔子趨進厯階而登舉袂大言曰吾兩君為好會夷狄之樂何為請有司却之齊侯乃麾而去晉樂志後漢天子受朝賀舍利從西來戲於殿前擊水化成魚漱水作霧又化成龍出水遊

戲以兩大繩兩頭相去數丈兩倡女對行於繩上也

王者舞先王之樂明有法也舞當代之樂明有制也
舞四夷之樂明有懷也周禮韎師掌教韎樂祭祀則
帥其屬而舞之大饗亦如之旄人掌教舞夷樂凡祭
祀賓客掌其燕樂鞀鞀氏掌四夷之樂與其聲歌祭
祀則吹而歌之燕亦如之蓋四夷之樂東曰韎南曰
任西曰侏離北曰禁或以其服色名之或以其聲音
名之服色則韎是也聲音則侏離是也

漢書曰語
言侏離

其

他不可以考鞀鞀氏掌四夷之樂旄人掌教四夷之樂鞀師則掌教東夷之樂而已然鞀師之樂施於祭祀大饗而旄人鞀鞀之樂施於祭祀與燕者蓋東於四夷為長饗於燕為重觀鞀師曰師旄人鞀鞀曰人與氏師序於前而人與氏序於後則夷樂之別可知矣然詩曰以雅以南記曰胥鼓南而掌四夷者亦以象胥名官則周人於南夷之樂又其所樂者也先儒推四時之理以釋四樂之名以鞀為晦昧任為懷任

侏離為離根禁為禁閉且曰韎樂持矛助時生任樂
持弓助時養侏離持鉞助時殺禁樂持盾助時藏白
虎通又以侏離為東樂昧為南樂南樂持羽西樂持
戟班固又以侏為兜以禁為伶以韎為侏

賦曰伶
侏兜離
蓋

各述其所傳者然也然周禮掌教夷樂者皆以所服
所執所履名之鄭氏亦以韎為韎韐之韎則韎為服
色明矣學者可以捨經而任傳乎先王之於夷樂雖
或用之然夷不可以亂華哇不可以雜雅蓋亦後之

而弗先外之而弗內也觀夾谷之會侏儒之樂奏於
前而孔子誅之東漢元日揮徒丹國之樂作於庭而陳
禪非之則魯納夷蠻之樂於太廟蓋陳之於門而已
唐之時皆奏於四門之外豈古之遺制歟

舞衣

書曰脣之舞衣孔安國曰脣國所為舞者之衣皆中法
然古者舞大夏則皮弁素幘舞大武則冕服其他無所
經見特漢舞者之衣法五方色謂之五行之舞蓋亦古

之遺制

魏景初以來祭天地宗廟武舞執干戚著平冕黑介幘黝衣裳白領袖中衣絳合幅袴袼黑韋

鞞文舞執羽籥冠委貌服同上其奏於朝廷武舞武升赤介幘生絳袍單衣練領袖中衣虎文畫合幅袴白衣袼黑韋鞞文舞著進賢冠黑介幘生黃袍單衣白合幅袴服同上晉因魏舊不改其制唐則不然趙慎言曰今祭罷茵褥總隨五方五神衣服獨乖其色舞者常持卓飾工人皆服絳衣臣愚竊不便之其舞人工人衣服請依方色宗廟黃色仍各以其所主標袖

朱干

周禮司兵掌五兵五盾以待軍事禮記曰朱干設錫詩曰龍盾之合又曰蒙伐有苑春秋傳曰狄虺彌建大車

之輪以為櫓國語曰官師奉文犀之渠以為盾先儒以

櫓為大盾以伐為中干則盾見於經傳者曰櫓曰干曰

伐曰渠而已其他不可考也

今曰旁牌

盾之為物以革為之

其背曰瓦

左傳曰中其楠瓦

其瓦設錫

白金

朱質而繪以龍龍之

外又繪以雜羽

蒙雜羽也

其繫之也以繡韋其屬繡韋也以

紛書曰敵乃干則敵者繫以紛也國語曰輕罪贖以贛

盾則贛者繡韋也

贛丘位反

古之舞者或以干配戚禮言朱

干玉戚舞大武是也或以干配戈司戈盾祭祀授舞者

兵文王世子春夏學干戈是也漢迎秋樂亦用之隋初武舞三十二人執戈三十二人執戚皆配以盾而半執龍盾半執龜盾盾蓋惑於鄭氏錫傳其背如龜之說然也是不知所謂如龜者其背耳非其飾也

玉戚

詩曰取彼斧斨又曰既破我斧又缺我斨又曰干戈戚揚書曰左杖黃鉞又曰一人執劉廣雅曰鉞戚斧也六韜曰大柯斧重八斤一名天鉞毛氏謂斧隋翟斨方翟

戚斧也揚鉞也孔安國謂劉斧屬孔穎達曰劉鐃斧也
蓋鉞也揚也戚也斨也劉也皆斧也斧莫重於鉞而揚
戚戕劉皆其次者也書言黃鉞以金飾其柄也禮言玉
戚以玉飾其柄也楚工尹曰先王命剝圭以為戚柲則
黃與玉為柄之飾可知也考工記車人柯長三尺博三
寸厚一寸有半五分其長以其一為之首則六寸矣蓋
斧之為物黑所以體道白所以象義而有剛斷之材焉
故軍禮與其葬皆用之觀先王繡於冕服之裳中衣之

領畫於所負之屨所履之席所冪之中則君之所以剛
斷者未嘗或忽也司兵祭祀授舞者兵鄭氏曰授以朱
干玉戚之屬

翟

詩曰左手執籥右手秉翟周官舞師教羽舞帥而舞四

方之祭祀

鄭氏曰羽析白羽
為之形如帔也

樂師教國子小舞有羽舞

春秋書考仲子之宮初獻六羽

何休曰
鴻羽也

詩曰無冬無夏

值其鷺羽蓋古之羽舞以翟或鷺何休以為鴻羽不可

考也南齊鄭義秦更以翟為笛說曰笛簫皆應用竹笛
飾以旒簫飾以羽梁武帝曰翟者五雉之一耳寧謂羌
笛耶遂改其制

禮書卷一百三十